



## Universitätsbibliothek Paderborn

**Gallia Vindicata, In Qua Testimoniis Exemplisque  
Gallicanæ Præsertim Ecclesiæ, Quæ Pro Regalia, Ac  
Quatuor Parisiensibus Propositionibvs A Ludovico  
Maimburgo, Alijsque producta sunt, Refutantur**

**Sfondrati, Celestino**

**[Ort nicht ermittelt], MDCLXXXVIII.**

4. Ex Cypriani Historia Infallibilitatem Pontificiam potius firmari, quam everti sex evidentiibus argumentis elucescit.

**urn:nbn:de:hbz:466:1-38277**

aliisque Asiatici initio restiterint, constat tamen istos errasse, ac tandem veritate convictos esse.

IV. Opponit 4. (a) Exemplum S. Cypriani Episcopi & Martyris Carthaginensis, aliorumque quam plurim Africae Episcoporum, qui Decretum Stephani Papæ de hereticis non rebaptizandis nullo modo receperent; neque tamen aut Cyprianus, aut Firmilianus, aut Dionytius Alexandrinus, Athanasius, Optatus, Cyrillus Hierosolymitanus, Basilius, aliique Asiae, Africæque Episcopi pro hereticis habiti sunt; donec in Arelateni, Nicæno, ac Constantiopolitano Concilijs Baptisma hereticorum repeti prohiberetur. Constat ergo Patres, tertii, quarti, quintique saeculi ejus sententia fuisse, ut crederent, ultimum ac Decretorium de causis fidei judicium non penè Pontificem, sed Concilium esse. Ita Maimburgus ex Launo & Centuriatoribus argumentatur, quod ferè perpetuum apud hunc Auctorem. Additque S. Augustinum (b) aperte testari, S. Cyprianum, qui Stephano Pontifici non cesserat, cessum tamen fuisse, si eo tempore questionis hujus veritas aliquata & declarata per plenarium Concilium fuisse. Censuit ergo non tantum S. Cyprianus, sed etiam S. Augustinus, in causis fidei dirimendis majorem esse Concilij, quam Pontificis auctoritatem, ultimumque judicium non ad hunc, sed ad Concilium pertinere.

Reff. Superfedeo historiâ Cypriani pertexendâ, quam in Regali Sacerdotio (c) fuse prosecutus sum, & ad solam Maimburgi argumentationem respondebo. Nam primò mirari luet hujus hominis inconstantiam. Quandiù nulla Galliam inter Romamque similitas erat; nemo extollenda Pontificum Majestati Maimburgo flagrantior. Imò hoc ipso Cypriani exemplo confutandis Calvinistis utitur: (d) Ab eo, inquit, tempore, quo Stephanus rebaptizari hereticos venit, error Cypriani in heresin transiit, &c. Ubi verò oriri inter Romanum, Galliāmque dissidia cœpere, Pontifice Ecclesiasticam libertatem contra Regios Ministros protegente; Maimburgus continuò nullâ curâ cause melioris ad Regios transire, & hoc ipsum Cypriani exemplum, quo nuper pro veritate, nunc contraveritatem urgere.

N n 2 O fidem

(a) Maimb. §. 10. (b) S. Augustin. lib. 1. de Bapt. contra Donat cap. 4. (c) Regale Sacerdot. lib. 3. §. 9. n. 4. (d) Maimb. dans sa 2. lettre sous le nom de Francois Romain.

*O fidem temporum, non Evangeliorum!* ut cum Beato Hilario exclamem:  
 Quis non videt Maimburgum hac agendi, scribendique ratione  
 corrupisse, quidquid olim contra Calvinistas disputaverat? quam  
 enim fidem p̄stabant contraria disserenti? Ergo Maimburgus  
 jam Gallus, jam Romanus, jam Hispanus est, jam totus, jam ex  
 dimidio Catholicus, ac in omnem vultum compositus, utcūque  
 aulae placuerit; at veritas semper est eadem. *Secundo.* Idem Cy-  
 prianus, quem Maimburgus Romanæ Cathedræ opponit, cūm  
 tranquillo animo esset, nec indignatione agitato, egregie pro  
 ejusdem Cathedra infallibili auctoritate scripsit; sic enim epistola  
 55. ad Cornelium loquitur: *Navigare audem & ad Petri Cathedram, usque*  
*ad Ecclesiam principalem, unde Unitas Sacerdotalis exorta est, nec cogitare eos esse*  
*Romanos, ad quos perfidia non possit habere accessum.* Hæc Cyprianus  
 serenâ adhuc facie: at perturbatâ contrarium scripsit: quæro ergo,  
 cur malis Cypriano credere irato & offeso, quām integro, pac-  
 tōque? *Tertio.* Cyprianum, omnēsque, qui illi contra Stephanum  
 Papam adhærebant, certum est, errasse, ac postea mutatis senten-  
 tijs relipuisse; de Cypriano id. clarè S. Augustinus insinuat *epist. 48.*  
*ad Vincenium, & lib. 2. contra Donatistas.* De Dionysio verò, aliisque  
 Episcopis, qui prius cum Cypriano senserant, mutâsse sententiam  
 certum est, ex testimonio ejusdem Augustini, (a) Dionysij ipsius  
 Patriarchæ Alexandrini, ac p̄fertim S. Hieronymi, qui ita scri-  
 bit: *Illi ipsi Episcopi, qui rebaptizandos hereticos cum ipso flatuerant (hoc est*  
*cum Cypriano) ad antiquam consuetudinem revoluti novum emiseré Decre-  
 tum.* Habemus ergo Cyprianum (aut saltem Cypriani sectatores)  
 & errantem, & erroris pœnitentem, quæro ergo cur malit Maim-  
 burgus, Pontificiam auctoritatem cum Cypriano errante impetere,  
 quām cum Cypriano pœnitente defendere? non agnoverit Cy-  
 prianus Cathedræ infallibilitatem: esto; at tunc erravit, quis verò  
 prudens errorem in exemplum, ac imitationem sibi proponat? &  
 quām misera est causa, quæ sustineri alijs rationibus non potest,  
 quām exemplis errantium? *Quarto.* Sed & nimium hoc argumen-  
 tum probat, quippe illo contra intentionem Maimburgi seque-  
 retur, non Pontificem tantum, verū etiam Universale Concilium  
 errare

(a) S. August. contra Crescon. lib. 3. cap. 3. Dionys. apud Euseb. lib. 7.  
 cap. 9. S. Hieron. in Dialog. contra Lucifer.

errare posse. Scribit enim Maimburgus etiam post Arelatense & Nicænum Concilium, sententiam de rebaptizandis hæreticis fuisse ab Athanasio, Basilio, Cyrillo Hierosolymitano aliisque defensam. Et quidem de Basilio res est clara; nam Concilium Nicænum statuerat canon. 19. omnium hæreticorum baptisma validum, nec repetendum esse, exceptis Paulianistis: idque etiam testatur S. Hieronymus contra Luciferianos; & ratio est, quia ut notat S. Innocentius I. epistolâ 22. cap. 5. Paulianistæ non baptizabant in nomine Patris & Filii & Spiritus Sancti, & tamen nihil obstante Decreto Nicæno negari vix potest tam S. Basilium, quam S. Athanasium omnium Arianorum Baptismum respuisse, quamvis in nomine Patris & Filii & Spiritus Sancti Baptismum conferrent. Verba S. Athanasij hæc sunt: (a) *Ariani in periculum veniunt, ne amittant integritatem Mysterij de Baptismo autem loquor; Patrem enim verum illi non pronuntiant, eo quod negant aliquid ex ipso existere simile ipsius substantie: negant quoque verum filium, aliumque ex non entibus sibi coniunctis in Baptismo proferunt..... non enim in Patre & Filio tribuum Baptisma Ariani, sed in Creatore & Creatura. Sicut ergo Creatura diversum quid à Filio est, ita diversum quid à vero Baptismate est, quod ab illis exclamatur dari, tametsi nomen Patris & Filii, quia illa in scripturis vident, simulent se nominare; non enim, qui simpliciter ait, Domine, is est, qui donat legumum Baptisma, sed qui nomen exprimit, & veram fidem habet..... Ita quoque, qui cum Ario sentiunt, etiam si recient scripta, proloquanturque ipsa nomina, frustrantur, illuduntque eis, qui ab ipsis Baptismum accipiunt. Vides hic S. Athanasium aperte profiteri, nullum esse Baptismum Arianorum; quia licet Evangelicâ formulâ baptizarent, non tamen Evangelicâ fide. Sed adhuc clarius loquitur S. Basilius; sic enim habet epistolâ ad Amphiliocium canon. 47. Encratita, Saccophori, & Apotactite subiiciuntur eidem rationi, sicut Novationi; quia de illis editus est canon, est diversus; nos autem unâ, eadémque ratione eos omnes baptizamus. Si autem prohibita est apud nos hæc rebaptizatio, sicut & Romanis alicuius Oecumenica Synodi gratiâ, nostra tamen ratio vires obtineat. Eos igitur in Ecclesiam non admittimus, nisi in nostrum Baptisma baptizati fuerint. Ne dicant in Patrem & Filium & spiritum Sanctum baptizati sumus, qui quidem DELLUM malorum effectorum esse existimant. Vides Basilius post Concilium non solum Arelatense, sed etiam Nicænum credidisse rebaptizandos esse hæreticos*

Nn 3

(a) S. Athanas. serm. 3. contra Arian.

reticos, quantumvis rectâ formâ Baptismi usos. Si ergo ex Maimburgi sententia ideo Pontifex falli posse credendus est, quia post eis Decretum nihilominus Cyprianus, aliquique ab Haereticis baptizatos iterum tingebant; an non æquè concludi poterit, etiam Concilia Oecumenica falli posse, quia post Nicænum Decretum Athanasius & Basilius baptismum repetebant? & planè duo illi Athanasius & Basilius, si doctrinam, peritiāmque scripturarum æstimes, centum Cyprianis anteponi debent; Cyprianus enim inter Gentilium sacrilegia confuserat, & proiecti jam ætate, ac Neophytus Episcopatum adeptus est, tenuitque annos decem. Si ergo Conciliorum infallibilitati nihil derogat, Athanasium, Basilium, aliquique à Maimburgo numeratos sententiam docuisse, imò & in opus deduxisse, Nicænis Canonibus adversam; ita nihil Pontificiæ infallibilitati admittitur, si contra Stephani Decreta Cyprianus, aliquique Africæ Episcopi moliti aliquid sunt. Quidquid ergo Maimburgus pro Concilio responderit, ego pro Pontifice respondebo. Si dicat errasse Basilium; dico ego errasse Cyprianum. Sidicat, credidisse Basilium, Nicænum Canone ad Oeconomiam, hoc est, ad disciplinam, non fidem spectare, sieque pro more Regionum mutari posse, ac propterea nec ipsum Basilium, nec Athanasium haeresis damnatos esse; dicam ego idem censuisse Cyprianum, eamdemque ob causam, quamvis Stephani Decretum aliquandiù obssisteret, nunquam tamen fuisse haeresis postulatum, sedque S. Augustinus quam plurimis locis in eo commendat, quod videlicet sententiam suam ita defenderit, ut tamen contrariam nec damnandam credererit, nec propterea à Romana Communione secesserit: Stephanus ergo Papa ita haereticos baptizari prohibuerit, ut tamen, qui eos baptizarent, haeresis non damnaret; quod si Cypriano, aliquique Episcopis, qui cum illo sentiebant, anathema indixit, contumacæ hæc pena, & quod antiquam Ecclesiæ consuetudinem everterent, non haeresis fuit. *Qujmò.* Imò ex hac ipsa Cypriani historia Majestas, ac auctoritas Pontificia omni ratione superior, omnisque expers erroris vehementer elucescit. Quantus Cyprianus? quam eloquens, quam sanctus, quot Synodorum, atq; Episcoporum, qui postea Martyrio defuncti sunt, auctoritate munitus, quantisque rationibus ex sacris litteris succinctus? & tamen

quam-

quàmprimum suas opiniones, quantumvis veritatem apprimè imitarentur, Romanæ sententiæ prætulit, in errores prolapsus est totâ Ecclesiâ damnatos; unicum Stephani Decretum paucis verbis conceptum omnibus illis argumentorum, Episcoporum, Synodorum, Martyrumque cohortibus præpotuit, Româ iterum Carthaginem, Africamque vincente. Si ergo etiam Cypriani, etiam integræ, pluresque Synodi clarissimis Episcopis atque sanctissimis instructæ agminatim cadunt, imd'Africa tota errore involvitur, quoties Romanæ faci oculos claudit, quid rogo dealijs erit, qui nihil habent, quod cum Cypriani ingenio, doctrina, eloquentia, sanctitate componi potest? Omnes Africæ, Mauritaniae, Numidiæ, Ægypti, Cappadociae, Cilicie, Galatiæ, Phrygiæque Episcopi Ductore Cypriano hallucinantur, quàmprimum à Pontifice Romano secedunt; quis ergo erroris securus erit? Evolve totam historiam Ecclesiasticam, paucos reperies, qui noluerint acquiescere Roma definitis; & isti pauci semper errârunt; frustrâ ergo extra hunc portum salutem quæreris, ubi omnes naufragium passi. Errat Polycrates, errat Cyprianus, errat Polycarpus, errat Firmilianus, errat Dionysius, errant denique cadûntque, quotquot cum hac palma luctantur; quis neget invictam esse immortâmque? stetit, vicitque jam mille sexcentos annos, millies conculta, millies quassata, quis neget perpetuam fore? si vitrum, non adamas esset, dudum cessisset tot malleos experta. *Sexto.* Ex quibus omnibus facilè jam colligas, quid Maimburgo responderi debeat Cypriani casu exultanti. *Restitit Pontifici.* Fateor, sed idèo erravit, ac postea pœnituit. Non creditit Pontificem infallibilem esse. Concedo, at æquè non creditit Baptismum, quem hæretici conferunt, validum esse. Siergo non idèo Baptismus hæreticorum invalidus est, quia Cyprianus credidit invalidum esse; ita non idèo Papa fallibilis est, quia Cyprianus fallibilem esse creditit. Quod si error Cypriani nihil nocet Baptismo, ita error Cypriani nihil nocet Pontifici. Et si teste Augustino, idèo Cyprianus circa Baptismum erravit: *Quia illo tempore questionis illius veritas nondum eliquata & declarata per Universale Concilium fuerat, cui & ipse sine dubio crederet.* Idem ego de Pontificis auctoritate infallibili dicam; eo enim tempore, quo Cyprianus tanto æstu, quantus Martyrem non decuit, in Pontificem fereba-

tur;

tur; quæstionis istius veritas de Pontificis infallibilitate nondum eliquata & declarata per Concilium Universale fuit, videlicet Chalcedonense, Constantinopolitanum, utrumque Lugdunense, Florentinum, ac Lateranense, nondum unanimi Patrum consensu; quibus omnibus & ipse Cyprianus cederet, si jam viveret. Sed nemo Cyprianus fuisse hereticum dixit. Merito, nam nec Stephanus dogma fidei constituit, sed solum prohibuerat, contra Antiquam Ecclesiam consuetudinem aliquid innovare. An parum tibi videtur errare, qui Pontificem non audit, nisi etiam hereticus sit? Quid miraris errasse Cyprianum circa hanc quæstionem, cum nondum discussa, exacte que librata fuerit, quando ipse Augustinus (a) fatetur, etiam Concilia errare: *Nisi primò diutius per Orbis terrarum Regiones multis hinc atque hinc disputationibus & collationibus Episcoporum pertractata fuerint. Ubi nota loqui Augustinum de Concilio plenario.* Cum vero S. Augustinus, quoties hoc argumentum, factumque Cypriani præmari bus habet, videtur Concilium plenarium requirere: optimo jure id facit, quamvis enim sola Pontificis auctoritas de Cathedra loquentis sufficiat decidendæ veritati, non sufficit tamen ijs revindicis, qui Pontificis auctoritatem pro supra & infallibili non agnoscunt. Quemadmodum scriptura omnino erroris expers est, sufficitque omni dubio expungendo; si quis tamen scripturas, aut humani ingenij partum esse dicat, falsaque obnoxias: alijs argumentis, aliisque auctoritatibus, quam ex scriptura petitis opus fuerit. Papa ergo infallibilis; si quis tamen infallibilem neget (negabit vero omnis, qui defendendo errori animum obstinaverit) ei convincendo Conciliis opus erit; quamquam qui semel Pontificem exclusit, non tam Concilium amat, quam hujus obtenu moras, induciasque errori, & forsitan haec ipsa mens Cypriano fuit, nullum aliud in terris judicium præter Divinum admittentis; sic enim scribit: (b) *Habeat omnis Episcopus pro licentia libertatis, & potestatis sue arbitrium proprium, tanquam judicari ab alio non possit, cum nec ipse possit alium judicare; sed expectemus Universi judicium Domini Nostri IESU Christi, qui unus & solus habet potestatem, & preponendi nos in Ecclesia sua gubernatione, & de actu nostro judicandi.*

Opponit s.

(a) S. August. de Bapt. contra Donatist. lib. 2. cap. 4. (b) S. Cyprian. in Conc. Carthag. Anno 256. aut secundum alios 258.